

THVRINGIA. DVRINGEN

LANDGRAVIATVS.

Nobilitas & status huius ditionis mihi necdum innotuerunt, tantum inveni Comitatum Gleichen & ut existimo Kranichfeldt. Item vnum Episcopatum Mersburg.

*Regio.
Situs.*

Soli fertilitas.

HAssiam sequitur *Thuringia*, vulgo *Duringen*, sita inter duos fluvios *Salam* & *VVerrā*: quorum hunc ad Occalum, illū ad Ortum habet: ad Septentrionem *Hercyniam Silvam* (quam *Hartz* vocant) & *Turingensem*, ut vocant, *Saltum*, vulgo *Duringer Waldt*, a Meridie. Longitudo regionis Latitudini par, *xii* miliarium. Regio omnis generis Frugum & Leguminum feracissima, & imprimis Frumento præ omnibus aliis Germaniæ partibus fecunda: adeo ut *Georgius Agricola* eam *Sumen Germaniæ* appellare non vereretur. Magnus hic *Itatidis herbæ*, quam *Plinius Glastum*, hodie *Guadam* & *Pastillum*, vulgo *VVeedt*, *Pastel* nominant, & cæruleum efficit colorem, proventus, quæ hinc cum magno Incolarum emolumento ad alias regiones transfertur. Vnde quidam Poeta insignis:

Herba Thuringorum celeberrima crescit in agris,

Hanc Isatim Græcus sermo vocare solet.

Ponderis hac magni est, & multo venditur ære:

Hac etenim tingi lana parata solet.

Imperium maiorum.

De qua *Plin. lib. xxii. c. i. Simile plantagini Glastum in Gallia vocatur: quo Britannorū coniuges nurusque toto corpore phlita, quibusdam in sacris nudæ incédunt, Æthiopum colorem imitantes.* Obsoniorum quoque ac Fructuum vix quicquam desiderat: si Vinum demas quod aliunde importatur. Reperiuntur & Auri Argentique Fodinæ, & Salinæ divites. Olim Regnum fuit, hodie *Ladtgraviatus* titulo decoratur. *Turingia* & *Hassia* sub Regibus Francorum coniunctæ usque ad *Carolū Magnum* & *Henrici Aucupis* tempora manserunt annos *ccxvi*. Tandem *Carolus Crassus* Imperator Ducem *Turingiæ* præfecit *Ludovicum*, eius Nepos *Burchardus* improlis ab *Hungaris* cæsus est. Quare *Henricus Auceps* Imp. *Turingiam* occupavit, cuius successoribus *Saxoniarum Principibus* in hodiernum usque diem subiecta est. Etsi enim post *Guilielmum Ottonis* i Imp. Filium, qui *Archiepiscopus Moguntinus*, *Turingiam* permissu Patris tenuit, successores ipsius, *Archiepiscopi Moguntini*, merum Imperium in urbem *Erfordiam*, quod adhuc retinent, & rotam *Turingiam* sibi aliquantisper vendicarunt, quorum Vice-Dominus sub *Conrado Salico* Imp. *Ludovicus Barbatu* aliquando fuit: tamen postea *Barbati* Landgraviorum titulo *Turingiam* ad Hæredes transmiserunt. Donec ad *Misnæ* Marchionem ex *VVidechindi Saxoni* posteritate ortum, *Henricum* illustrem *Theodorici* filium & *Hermani* *Turingiæ* Landgravii ex filia *Iuditha* Nepotem, circa annum *Christi cccc.* pervenit, cui successit Filius *Albertus*